



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XI.

urn:nbn:de:hbz:466:1-10840

Mandarinorum inter Sinas, inter Indos Brachmanum; posito Clericali, ad tempus ille induitur. Et quibus Provinciis non sustinet hæresis ymbram villam vestitus Ecclesiastici, illuc in milites, in seruos, in medicos, mercatores, artifices singimur, transcribimurque in omnia quibuscumque potest aditus muniri ad latentes Catholicos sine suspicionis periculo adiuuandos.

X I.

*Lib. 3. de Inst.
Opere q. 5.
art. 3.*

*Suar. rem. 4.
de relig. l. 1.
cap. 3.*

*Conf. Ex se-
dis Apo-
st. Eccl. 4.*

Choro præterea Societas abstinet, priuata officij contenta recitatione quod Dominico Soto visum est ab religiosis familiis adeò alienum, vt cum nulli earum licere censueret, catere hac parte tam necessaria contemplationis; hæc verba subiunxerit; *loquor de religionibus antiquis, nam si alius religionis modus circa huiusmodi obligationes admittatur, certe vix nomen Religionis meretur, quippe que maximo religionis splendore caret.* Quod magnæ moderationis, grauitatisque doctoꝝ, *Pessimè dictum liberè arguit,* tanto sanè haud dignum Theologo, qui præter chorū, in quo tantum ponit, quicquid religioso deesset Ordini (quod esse vult tantulum, vt si chorus non desit, religionis tamen nomen retineat) id omne ex choro, cantuque publico suppleri putauerit. Sotus, celebris in Theologicis magister, choro adesset, necne, alij viderint, illud certum, notumque, multis Ordinibus religiosa disciplina claris in more esse, vt iij qui concionantur, qui docent, qui ad magnum Ecclesiæ decorem, atque usum, eiusmodi munera exercent, priuata lege ab choro eximantur, nec idcirco fiat, vt *vix iij sint religiosi, sed eò fortassis verius inde sibi hoc nomen asserant, quod præstantius officium, & Deo gloriosius exercent.* Igitur si ordo natura sua id nactum sit, quod ordinibus cæteris, ex causa indulgetur, immunitatem scilicet ab choro, is nempe vix religiosus Soto censente vocabitur: Iam quod suo ab ortu Societatem choro fundator suus obstringi noluérit, summique Pontifices idem sancuerint, patet imprimis ex eiusdem Constitutionum parte sexta vbi hæc habentur: *quoniam occupationes que ad animarum auxilium assumuntur magni mo-
menti sunt, & nostri instituti propria, & valde frequentes, cumque aliqui no-
stra habitatio tam sit in hoc, vel illo loco incerta; non utenur nostri choro ad
horas canonicas, vel missas, & alia officia decantanda; quandoquidem illis quos
ad ea audienda deuotio mouerit, abnudè suppetet, unde sibi ipsi satisfaciant.
Per nostros autem ea tractari conuenit, qua nostra vocationis ad Dei gloriam
magis sunt propria.* Cuius sancienda Constitutionis argumentum maius vi- derunt nullum sumini Pontifices quam egregios progressus, suis copiose respondentes principiis, sic præter alios Gregorius XIII. *Nos considerantes,
inquit, Religionem predictam uberrimos fructus ad Dei Laudem, & sanctæ Ce-
tholica fidei propagationem per uniuersum orbem dedisse, meritóque in suis
propriis instituīs confouendam esse, motu proprio, & ex certa nostra scientia so-
ciis predictis, ut horas canonicas singuli, & priuatim iuxtar usum R. Ecclesie, no-
autem communiceſeu in choro recitare teneantur, quo acris studiis, lectionibus
& predicationibus intendere possint, concedimus. Ad hęc Societas, extra mona-
sticos Ordines instituta, hoc sive adiumentum, seu capit aliquod cōtemp-
lationis nequaquam desiderat, vt quam nō habeat sibi pro fine propositam. Nam
splendor,*

splendor, tanti apud laudatum Theologum momenti, ut summam Ordinum religiosorum in eo statuere visus sit, nulla sui parte Societati deesse compertus est. Sane quidem Tridentini Patres, & quinque Pontifices, à quibus probata, & confirmata est, semper fere præmisso acri examine, ab Theologia & canonum peritis, postque aduersarios potentes diligenter auditos, haud paulo aliter de illa iudicarunt; integritate enim morum ex instituto vigentium inspecta, supputatique lucris infraætæ ipsius ac perpetuæ operæ (qui legitimus est opinor ejusmodi Ordinis ac verus splendor) tam magnificè testari sunt Illustratam ab ea Ecclesiam (quantum poterat ab Ordinum minimo Illustrari) ut de suis narranti ægrè illa referre liceat. Societatem videlicet contuebantur ut tabulam, suo in lumine collocatam, in quo tota sui elegantia se prodit, cum in opposito nihil exhibeat præter colores temere confusos, illam, inquam, spectarunt suo scopo intentam, hoc est ab Ecclesia præscriptis in conuersionem animarum obsequiis, non autem monasticis, quibus magna cum laude tot alijs Ordines sancte occupantur, videruntque, quantum in Ecclesia Dei hæc tenus fructum attulisset (iam tum Pio IV. cuius hæc sunt verba, Pontifice) & quantum in futurum allatura esset utque sanctissimus item Pontifex Pius V. Innumerabiles fructus quos benedicente Domino Christiano orbi, viros literarum præcipue sacrarum scienzia, religione, vita exemplari, morumque sanctimonia perspicuos, multorum religiosissimos præceptores, & verbi diuini etiam apud longinquas, & barbaras illas nationes, que Deum penitus non nouerunt, opinos prædicatores, & interpres producendo, felicissime hæc tenus attulisset, & adhuc sollicitis studiis afferre non desisteret. Tam utiles, nempe, ut ait Gregorius XIII. tamque necessarius functiones quas tum in Domibus per frequentem Penitentia, & Eucharistie Sacramentorum administrationem, & ad eorum frequentationem sanctam exhortationem, prædicationemque, & spiritualia Exercitia, ac alia verbi Dei ministeria, tum in Collegiis per lectiones tam bonarum literarum, quam Philosophia etiam, & Theologie; ad Iuuentutem bonis moribus & literis imbuendam ex ipsis Societatis primaria instituti eretione, ac diuina vocatione magno Dei beneficio, & Ecclesia spirituali emolumento exercet. Clemens vero 8. nullis inquit, fractilaboribus, nullis vita periculis territi ad propagandam religionem Christianam, Catholicæ fidei conseruationem, atque ubi res poscit, restitutionem, demum ad salutem animarum procurandam, profecti sunt, & progrediuntur nunc etiam occasione quavis, ad agrum Domini excolendum officiis, & ministeriis pietatis. Quam etiam ob causam Societas à Paulo V. Sancta, & nunquam satis laudata Religio dicta est, ob singularem, ut per honorificè testatur, quam ex ea ducebatur, & antea duxerat utilitatem Ecclesia. Tandem Gregorius XV. Verdunensi Epicopo Carolo à Lotharingia concedens ut Societatem amplecteretur, breui diplomate sic eum alloquitur. *Quod Reip. Christianæ bono fiat, abiectis humanarum curarum opumque impedimentis, proficisci*

Const. Est
ex debito.
Bul. innu-
merabiles.

Bul. Salmatio-

D d 3 ad

ad eam sacra militia Societatem, Catholici nominis defensione, & hereticorum excidiis clarissimam. Hæc ergo, vt dixi, Pontificibus comperta, qui Societatem æquis luminibus spectabant, multiplex ab eis præconium tulere, cuius pauca quæ reddidi, si non erro satis conficiunt, Societatem choro destitutam haudquaquam splendore destitui. Quo sane si choro teneretur, & ipsa luceret parcius, nec posset alios pro Instituto ratione, nisi parcius illustrare. Præter hæc tamen ex iis quæ Societatem conflant variis conditionibus facile cernitur, non potuisse illam à Sancto Fundatore chori officiis obstringi sine magna totius Ordinis, vitæ, ac munerum perturbatione. Domos enim habet Probationum, Collegiorum, & Professas: tyrones qui probantur, præter alias interdum, horas quotidie in excelen- do animo ponunt quinque, sesquihoram meditationi; alterum tantum pia lectioni, cohortationibus, collationibus, tum Examinibus Generali bus duobus, totidem propriis, altero peractæ meditationis, altero viti quod euelli, virtutis quam animo inferi, maximè intersit, & eiusmodi nonnullis. Ad hæc aliquot menses peregrinationi, nosocomiis, ministeriis vilibus & abiectis impendunt; nec inter se nisi de diuinis fini nuntur colloqui; ne cilicia quidem & pia flagella dum ad laxandum animum vnæ texunt, ab audiendo libro aliquo pio sunt vacui: breuiter mentem, extra somni horas toto biennio tenent semper in Deo occupatam, tenerenturque in eo diutius, si foret aut dies productior, aut contentioni vires suppeterent. Nec stare minoris prima illa potest vitæ impressio, quæ est illorum Instituto germana, hominémque interius finit conscientiæ puritate, suimet contemptu, domandis affectibus, virtutum solidō, & familiaritate cum Deo. Hac igitur animi tam densa, & varia distentos applicatione, an fas sit etiam cantu onerare, nemo est opinor quin videat. In collegiis autem studendo, docendo ita incubitur, vt sua meditationi, examinibus, & his similibus, sacra spatha seruentur, quibus adeò non potest noua mentis occupatio adiungi, vt vel hæc vnæ ab externis compluribus modum putentur excedere, & qui frequenter iis intabescunt, & sanguinem excreant, argumento sint alios, non esse grauius premendos. Porrigitur siquidem annos tredecim is labor; docendi curriculo ab infimis literis ad usque Rhetoricam; studendi à Rhetorica ad metam Theologiae supremam perducto. Denique Professorum domos operarij incolunt, quos ait sua quadam Epistola S. Ignatius debere semper in procinctu stare, ad capassendas quo cumque gentium missiones pro vocationis nostræ munere, & Instituto quod in Domino settamur.] Extra illas autem in templis ad confessiones, occupantur; in Sodalitiis B. Virginis, in nosocomiis, in carcere, in doctrina Christiana pueris tradenda, visendis iuuandisque ægrotis, concionibus habendis, & eius generis aliis, quibus ij pariter detinentur, quos in Collegiis docendi, aut studendi pensum, ab iis non eximit.

Postremo